

# Der Volksvertreter

*Musik & Text: Max Neuhofer, Februar 2008*

Hallo, i derf mi vorstelln/ois euer Kandidat  
Bald san wieda Wahlen/Geht's hin und seid's net fad!  
Schaut's her, i gib eich Kuglschreiba/und IHR gebt's ma de Stimm'  
G'schwind mocht's bei mir des Kreizl hin/werdt's sehn des hot an Sinn

Na, i brauch' ka Wahlprogramm/weil i bin fotogen  
I grins aus jedem Medium/auf Hochglanz. Is's net schen?!  
Heut' versprich' i olles/von rosarot bis himmeblau  
Und soit' i's morgn vergessn haum/tuat's euch do nix au!

*Gesprochen: Ah geh! A bißl irrn wird ma si wohl no dürfm?  
Is jo für a guate Soch. Oder san Sie fehlerfrei?*

Politika san ein'teilt/sie hackln bis zum Umfalln  
Bandl durchschneidn, Spatenstiche/Redn hoitn, Rundn zahln  
Tagung, Sitzung, Hauptvasaummlung/scho wieda so a koit's Buffet!  
Dort gratuliern, da jubiliern/i pack's nimma, I geh!

Hom Sie unsa Parteibuch/so soll dos nicht Ihr Nachteil sein  
Es gäb' da einen Posten/sie müssten halt ergeben sein  
Vertraulichkeit ist eine Tugend/ich liebe Information  
Geh schauzn S' ma de Daten zua/ganz leise, weil wer merkt das schon

*Gesprochen: Was sog'n S'? Da Bauskandal? --- Ah wo!  
Des Schmiergeld is' Legende/glaubn S' net jedn Zeitungsschmäh  
I hob nur ´ was gespendet/kassiert hom schließlich aundare  
Es is do alles inszeniert/vom politischn Gegner auffrisiert  
Jetzt fliag i aus'm Aufsichtsrat/Gerechtigkeit verliert!*

*Gesprochen: A Recht. Muass i ma's hoit aundas richtn!*

*Gesprochen: Was sogn Sie da? Bonze? Abcasher? Multifunktionär?  
Amtlkumulierer? Privilegienritter?  
Sie hör'n S', pass'n S' auf, Sie!  
I loß Ihna eispeerrn! Aus mit da Förderung!  
A so a Neid, nur wegn de poa Nätsch Sitzungsgeld. Da  
rackert ma si o und des is da Daunk dafür.  
Jaja, Demokratie is a hartes Brot... (fade out)*